

妙法蓮華經文句卷第二上

寔三

隋天台智者大師說
門人灌頂記

橋梵波提此翻牛吼無量壽稱牛王增一云
牛跡昔五百世曾爲牛王牛若食後恒事虛
哨餘報未夷唼唼常嚼時人稱爲牛吼昔五
百鴈一鴈常得華果供於鴈王佛一夏受阿
耆達王請五百比丘皆取馬麥而橋梵獨在
天上尸利沙園受天王供養增一云樂在天
上不樂人間者牛跡比丘第一樂在天上者

是隨樂欲世界悉檀也供鴈王福所致者爲
人也避人笑者對治也天不笑者第一義也
云又云人但觀形不知有德若笑羅漢即得罪
避人笑故常居天上天知有德不笑其形
故居天也佛滅度後迦葉集于大羅漢遣下
座僧使追橋梵橋梵問僧行和尚答言皆滅
卷二
即言佛出我出佛住我住佛滅我滅四道流
注大迦葉所水說偈云大象既去象子隨世
尊和尚既滅度我今在此復何爲斯亦第一
義也約教者住天園是示善有牛嚼是示惡

三藏意也以牛嚼身得道此示惡非惡也居天園而嚼示善非善通教意示界內外善惡者別教意示善惡實相者圓教意本跡者本住四無所畏安住聖主如牛王第一義天迹示牛嚼樂居天上也觀心者觀於心性中道之理安步平正其疾如風即牛王觀也離婆多亦云離越此翻星宿或室宿或假和合文殊問經稱常作聲父母從星辰乞子旣其感獲因星作名雖得出家猶隨本字假和合者有人引釋論空亭中宿見二鬼爭屍告其分

判設依理枉理俱不免害故隨實而答大鬼拔其手足小鬼取屍補之食竟拭口而去其因煩惱不測誰身故言假和合常作聲者其疑此事若我本身眼見拔去若是他身復隨我行住疑惑猶豫逢人即問沒見我身不故言常作聲衆僧云此人易度語云汝身本是他遺體非已有也即得道也云增一云坐禪入定心不倒亂者離越比丘第一約教言析破五陰然我所有三藏意體達五陰本非我有通意分別十法界五陰皆非已有別意達

五陰非我有非他有見陰實相即圓意本迹者本住日星宿三昧迹示此名觀心者觀心念佛見十方佛多如夜觀星云昇陵伽婆蹉此翻餘習五百世爲婆羅門餘氣猶高過恒水咄小婢駐流恒神爲之兩派神往訴佛佛令懺謝即合手小婢莫瞋大衆笑之懺而更罵佛言本習如此實無高心增一云樹下苦坐不避風雨者婆蹉比丘第一約教者減慢無慢三藏意也即慢無慢通意也分別十法界高下別意也八自在我具足佛法圓意也

本迹者本住常樂我淨八自在我微妙梵聲迹示慢心惡口耳觀心者觀麁言軟語皆歸第一義云薄拘羅者此翻善容或偉形或大肥盧或膝囊或楞鄧或賈性然而色貌端正故言善容也年一百六十歲無病無夭有五不死報後安置熬槃釜中水中魚食刀破皆不死昔持不殺戒故九十一劫命不中夭昔施僧一訶黎勒果故身常無病能持一戒四戒莊嚴堅持不犯不避火水餘人雖持五戒多毀犯也云身樂寂靜常處閑居不樂衆中

眼不樂玄黃等色耳不樂聞世間之聲鼻不
嗅世間香臭舌不曾爲人說一兩句語意常
在禪定不散亂乃至舍利塔亦樂閑靜阿育
王禮諸羅漢塔次至其塔而說偈言雖自練
無明於世少利益供二十貝子增一云施一
錢而貝子從塔飛出來著王足諸臣驚怪閑
靜少欲乃至其塔猶有是力故增一云壽命
極長終不中夭常樂閑居不處衆中薄拘羅
第一約教者滅喧入真三藏寂靜即喧而真
通寂靜離二邊入中別寂靜即邊而中圓寂

靜本者本住大寂滅定長壽是常無病是樂
不夭是我寂靜是淨居此四德之本迹示六
根寂靜耳觀心者心性中道即空即假即中
常樂我淨觀也摩訶拘緹羅此翻大膝舍利
弟舅由來論勝姊姊孕論則不勝知所懷者
智寄辯尚爾何況出胎云即棄家往南天竺
讀十八經時人笑之累世難通一生非異喟
然歎曰在家爲姊所勝出路爲他所輕誓讀
不休無暇翦爪時人呼爲長爪梵志學訖還
家問甥所在人云爲佛弟子即大憍慢我甥

八歲聲震五竺彼沙門者有何道術誘我姊
子徑往佛所思惟良久不得一法入心語佛
言一切法不忍忍即空義此言一切法我皆
能破使不得安故言一切法不忍佛問汝見
定三
是忍不此墮兩負處若我見忍前已云一切
不忍若我見不忍無以勝佛即低頭得法眼
淨身子扇佛聞舅父論得阿羅漢果增一云得
四辯才觸難能答拘縉羅第一南方天王毗
留富又常來隨侍約教者外通四韋陀內通
三藏三藏四辯也我無所得辯乃如是通教

辯也若名若義偏十法界別教辯也依於實
相徧一切辯圓教辯也一本者本住口密口輪
不思議化大定大慧迹示大膝也觀心者觀
心即空即定即假即慧以嚴其心云難陀亦
云放牛難陀此翻善歡喜亦翻欣樂淨飯王
偏十萬釋出家即一人也有師言是律中跋
難陀約教者事歡喜理無歡喜三藏意也即
事歡喜是理歡喜是通教意也歡喜地即別
教也歡喜住即圓教意也本者本住實際非
喜非不喜迹名歡喜觀心者觀心與理相似

相應故名歡喜觀也孫陀羅^三難陀孫陀羅此翻好愛亦端正難陀如前姓如那律中說四月九日生短佛四指容^四俄挺特與世殊異若入衆中有不識者謂言佛來彌沙塞律云摩竭有裸形外道大聰明國人號爲智者見者共身子論議結舌善心生欲於佛法出家見難陀色貌姝偉歎云短小比丘智慧難槩況堂臺者乎難陀即度出家婦即孫陀利極端正食息不相離佛與阿難途行乞食到其門正夫婦在高樓食即起迎佛婦言須君還

^{卷三}五
乃共食耳白佛言轉輪王種云何自辱持佛鉢取飯佛即還尼俱類園語阿難令難陀送食來阿難宣佛旨令其送飯奉佛佛令剃頭握拳語剝者勿持刀臨闈淳提王頂佛偏不得止乃剃頭明日佛與五百比丘應請求住守寺意欲逃去佛令關房掃地關南北開掃此彼汙復懼佛歸即逃走歸去於路值佛屏身隱樹迴升空佛見即喚將還問何故去即答昨與婦別待還乃食憶婦去耳佛將遊天堂地獄^云故以婦字標之約教者俗諦有

法喜真諦無喜三藏教也即俗喜是真喜通
教也從通法喜有俗法喜中法喜別教也即
通喜具一切法喜圓教也本迹觀心如前云
富樓那翻滿願彌多羅目慈尼女也父於滿
江禱梵天求子止值江滿又夢七寶器盛滿
中寶入妙懷安懷子父願獲滿從諸遂願故
言滿願安名彌多羅維尼此翻慈行亦云知識
四韋陀有此品其母誦之以此爲名尼者女
也通稱女爲尼通稱男爲那既是慈之所生
故言慈子增一云我父名滿我母名慈諸梵

行人呼我爲滿慈子此從父母兩緣得名故
云滿慈子是人善知內外經書靡所不知就
知滿故復名滿增一云善能廣說分別義理
滿願子最第一下文云於說法人中最爲第
一第一者說滿字也欲還本國利益佛言彼

國弊惡汝云何答我當修忍若毀辱我我當
第六自幸不得奉歐奉歐時自幸不得木杖木杖
時自幸不得刀刃刀刃時自幸離五陰毒器
是爲行忍滿故名滿七車喻經中說爲大智
舍利弗所稱歎一切梵行人皆當縈衣頂戴

於汝若見汝者得大利益是爲歎滿故名滿
約教者殷勤祈法所作已辦三藏願滿體達
即空於空法得證通教願滿法眼具足別教
願滿住秘密藏圓教願滿本迹者本願久滿
迹爲說法第一示衆生知識也觀心者如止
觀中人行理等善知識觀也須菩提此翻空
生生時家中倉庫筐篋器皿一切皆空間占
者占者言吉因空而生字曰空生從依報器
皿瑞空以名正報依正俱吉故言空生也常
修空行故言善業若供養者得現報故言

善吉常樂遊止閑林石窟寂靜之處所修行
業以空爲本常入空定住無諍三昧喜說空
法有所宣辯皆分別空將護衆生不令起礙
嫌行即住嫌住即行佛忉利下率土輻湊爭
前頂禮端坐石室念諸法空色非佛乃至識
非佛眼非佛乃至意非佛豁然悟道佛告蓮
華比丘尼非汝前禮汝禮色身須菩提前見
法身約教者自有滅色空智生體色空智生
從有智生空智從空智生俗智從俗智生中
智空生即有智是圓空智生而今是圓空智

生也本者本住實相法身迹示見空而生也觀心者不在內外中間非自有是爲觀心法身也阿難此云歡喜或無染淨飯王冀太子爲金輪霸其宗杜忽棄國捐王憂惱殆絕魔來誑之汝子已死王哭云阿夷語旣虛瑞相亦無驗復有天來云汝工成佛王疑未決須臾信報昨夜天地大動太子成佛王大歡喜五阿難年二十五佛時求侍五百請爲如前說衆勸阿難阿難順從五百皆歡喜目連騰白飯王奏云生兒舉國欣欣因名歡喜是爲父妾作字阿難端正人見皆悅佛使著覆看未有一女人將兒詣井見阿難目視不珣不

覺以綆繫其兒頸中阿舍云四衆若聞阿難所說若多若少無不歡喜欲發問時先爲聲喎大衆皆歡喜四衆若觀其默行住坐卧指撝處分進止動轉皆歡喜阿難四月八日佛成道日生侍佛得二十五年推此佛年五十

已解如來意須是不須是皆悉能知故以法付阿難如來歡喜四天王各奉佛鉢佛累而接之合成一鉢四緣宛然而此鉢人重阿難歡喜荷持無倦中阿舍第七云阿難侍佛二十五年所聞八十年捷度皆誦不遺不重問一句念力歡喜阿難隨佛入天人龍宮見天人龍女心無染著雖未盡殘思而能不染一切天人龍神無不歡喜佛滅度後在師子牀迦葉大衆讚曰面如淨滿月眼若青蓮華佛法大海水流入阿難心自誓生入涅槃住恐

離車有慾進恐闍王有怨於恒河中入風奮迅三昧分身爲四分一與天一與龍一毗舍離一阿闍世阿育王禮阿難塔奉千萬兩金偈歡曰能攝持法身法燈故法住念感佛智海故設上供養念持多所聞口出微妙語世尊所讚歡天人之所愛增一云知時明物所至無疑所憶不忘多聞廣達堪任奉持阿難第一約教者歡喜阿難三藏也賢阿難通也典藏阿難別也海阿難圓也本迹者本住非法歡喜非不歡喜法身如虛空智慧心如雲雨能

持能受迹爲歡喜也觀心與相似即空即假
即中相應是觀心歡喜乃至真觀相應云羅
睺羅此言覆障往昔塞鼠穴又不看婆羅門
六日由是緣故故言覆障太子求出家父王
不許殷勤不已王言若汝有子聽汝出家菩
具三
薩指指妃腹九却後六年汝當生男在胎六年
故言覆障真諦三藏云羅睺本名脩羅能手
障日月翻此應言障月佛言我法如月此兒
障我不即出家世世障我我世世能捨故言
覆障佛出家後耶輸有娘諸釋咸瞋何因有

此欲治欲殺惡聲盈路寶女劬毗羅證之小
差因焚火坑於大誓願我若爲非子母俱滅
若真遺體天當爲證因抱子投坑坑變爲池
蓮華捧體王及國人始復不疑後佛還國耶
輸令羅睺奉佛歡喜九羅云以幼稚之年於
大衆中徑持上佛耶輸以此息謗謗由有子
故言覆障袒王歡喜雖失其父而獲其子孫
爲金輪吾亦何恨想其長大冀神寶至而佛
索令出家父王不許耶輸將上高樓目連飛
空來取佛度出家付舍利弗爲弟子旣出家

已王位亦夫故言覆障羅睺以沙彌之年喜
多妄語國王大臣婆羅門居士來求見佛羅
云答云不在今無量人不得見佛是爲障他
由是妄語佛即呵責行還使羅云洗足腳挑
灑盆三覆三仰然後覆地命令注水羅睺云
益覆注水不立佛言汝如覆益於佛法中法
水不立今當實語勿妄語也後時修道殷勤
不獲以問佛佛言汝爲人說五陰未答言未
當爲他說說竟又問汝說十二入未說十八
界未說法是得道之門若欲得道當爲他說

法因廣說法竟然後得道是爲覆障既已得
道見愛皆除三界生盡故言覆障三界生盡
願不能牽故言覆障佛勑四大羅漢不得滅
度待我法滅盡由是住持于今未得入無餘
涅槃故言覆障云約教者析法道諦障四住
三藏意也體法道諦障四住通教也次第三
智障五住別教也一心三智障五住圓教也
本迹考本住中道障塞二邊八種障障涅槃
邊一種障障生死邊一種非障生死非障涅
槃障無餘也觀心例前可解云六結如是等

衆所知識或言知祇是識或言聞名爲知見形爲識見形爲知見心爲識本者本爲衆生作端字知識迹爲半字知識云觀行知識如止觀多知識衆竟亦列少知識衆者復有學無學二千人俱但舉位明數而不歎德呼此爲少知識衆耳聖與凡絕交亦不分別多識少識特以希高慕遠者以多識引之藏名隱德退讓者以少識引之隨順衆生故有若干不可以多少之迹失其本學無學者三藏中十八種學人九種無學人通教五地皆名學

六地名無學又通教九地名爲學佛地爲無學別圓中或就功用無功用或就具足未具足明學無學阿含云外道問佛羅漢更學不佛言羅漢不作惡法住於善法學其無學即名爲學若爾學人亦稱無學學人齊其所斷不復更斷即是無學是爲四句就五方便非學非無學便是五句約四教中例亦應爾四五二十句本迹者本法身大士居滿字學無學位衆生應以半字學無學人莊嚴雙樹也觀者正觀中道不緣二邊中間即是無學能

如是觀是名爲學若就觀門明數者觀色心具十法界十如界如互論即具二千舉迹故標本法迹即是本迹也次列尼衆者舊以此例前爲二衆今不用若例前爲多識少識二衆者又復無文義亦不可但是舉兩衆主何須苦名爲大小多少耶先列波闍波提此翻大愛道亦云憍曇彌此翻衆主尼者天竺女人通名也本住智度法門迹爲千佛之母生育道師觀釋者中觀廣博名大無緣慈名愛中理虛通名道大即自行愛即化他如以愛

故受生慈故涉有道即遍自行化他也六千者數也觀門者觀六根清淨具千功德雖眼有八百耳千二百以多足少數滿六千表本法門亦是觀行意也羅睺羅安耶輸陀羅者以子標母此翻華色亦曰名聞或云無翻溫良恭儉德齊太子然在家爲菩薩之妻天人知識出家爲尼衆之主位居無學豈是無名聞衆耶十二遊經出三夫人第一瞿夷二耶輸三鹿野未曾有及瑞應皆云羅睺是瞿夷子涅槃及法華皆云是耶輸子二義云何通

或可彼經舉大母此處舉所生釋論瞿曇陀
是寶女不及即是瞿夷此翻明女故知定是
耶輸子也本迹者妻則齊也豈有博地爲太
子妻故知本住寂定微妙法喜迹爲佛妻悲
華云寶藏佛所誓願爲要耳觀空無漏法喜
士
耶以鹿野表妻觀假道種智法喜即以耶輸
表妻觀中法喜即以瞿夷表妻上當分門本
迹觀心今更總論顯善權曲巧明觀行精微
夫首楞嚴種種示現稱適根性靡所不爲今
且近論託迹王宮降神皇后法身菩薩皆輔

佛行化散影餘家若三十二瑞金姿誕應諸
大士各各出生或空室雨寶寄辯通夢若皇
太子捨國捐王踰城學道諸大士悉從師
請業才藝兼通爲彼宗匠若法輪初啓甘露
門開聞諸大士化緣未熟示同不受分庭抗
禮崇我道真能化所化全生如乳若所化緣
熟則素絲易染池華早開革凡成聖轉乳成
酪師宗爲佛上首弟子或智慧神通辯才三
昧各各第一共輔法王更度未度重熟已熟
於方等座席聞菩薩不可思議功德恆小慕

大恥小則嗚呼自責失於如來無量知見慕
大則不知當云何得佛無上慧如轉餽爲生
酥次聞般若摩訶衍門初塵色心終于種智
舍挾小大出內取與或共或別或偏或圓奉
命領知而無希取雖未頓捨已漸通泰如轉
生酥爲熟酥次聞法華會天性定父子授記
卷三
荊付大乘廢三歸一如餘四味同一醍醐不
令一人獨得滅度皆以如來滅度而滅度之
法王法臣大事出世巧用方便初用半字法
破二十五有之繁衍成四枯雙樹利益衆生

次用半滿法破二乘之獨善成菩薩之廣大
成四榮雙樹利益聖人後用常住滿字破二
邊之前後成非枯非榮佛祕密藏究竟利益
主將之功畢大誓之願滿故身子自連於法
華而息化聖主贖命斯亦不久文云如我本
誓願今者已滿足如來不久當入涅槃唱滅
之言起自於此二萬燈明迦葉佛等皆於法
華究竟今以師弟皆於此經發迹內祕菩薩
道外現作聲聞我實成佛已來無量億劫以
此推之諸大羅漢從法身地俯影隨緣迹臨

萬水爲學無學作男作女示道示俗首楞嚴

力靡所不現方便善權爲若此

云總明觀者

上師弟施化法身所爲若不作觀方便於行人無益如貧數寶似盲執燭然心數甚多且約善數如弟子者衆但舉十人耳十善數者

謂信進念定慧喜猗捨覺戒此十數輔心王能改惡就善革凡成聖辦一切法門但以十心爲本如十弟子輔佛行化共熟衆生立于佛法也信數對那律天眼第一眼是五根首如諸方以東爲上信於諸數初入佛法也進

數對迦葉頭陀第一抖擻勤苦對進數也念

數對波離持律第一念力牢強憶持不忘也定數對目連神通第一慧數對身子智慧第一皆可解喜數對阿難多聞第一多聞分別

樂樂即喜數也猗數對旃延論體窮微盡理

除邪顯正如猗離惡得善放苦入樂也捨數對善苦解空第一若住空平等與捨數相應覺數對富樓那說法第一覺是語本本立則辯說無窮戒數對羅云持戒第一可解十數扶心王能成觀行於一念中深入善法三寶

具足王即佛寶數即僧寶所緣實際無王無數即法寶若入實際王數之功力用足矣又取通大地十數與心王俱起入善入惡偏通一切謂想欲觸慧念思解脫憶定受也想對富樓那想得假名其人善達假名辯才無滯欲對迦葉迦葉無世間欲而欲於無爲觸對旃延觸入二事更相涉入旃延善論義能窮往復慧即身子可解念對波離念持律之上也思對羅云思是行陰此人實行持戒也解脫對善吉脫名無累此人解空於有得脫憶

對那律憶勤發取境修天眼易三摩提定數對目連可解受對阿難多聞領持無誤也十人各備衆德爲引專門宣示佛道隨衆生欲欲慧者師身子乃至欲多聞者師阿難共轉法王各掌一職今觀心亦如是一一心中皆具王數爲成觀故王數相扶而取開悟或於想數入道或於欲數入道隨所宜者心王心數而共攻之化取塵勞諸心而作佛事作此觀未悟觀行如乳若發無漏觀行如堅若破塵沙如生熟酥苦破無明觀如醍醐至醍醐

時王數皆畢心心法數不行故名行般若波羅密普賢觀云觀心無心法不住法我心自空罪福無主即是無心無數名爲正觀是心數塵勞苦不盡者觀則不訖故經言衆生不度我不成正覺即此意也云第二列菩薩衆

者釋論云菩薩爲出家在家四衆攝何故別列答有菩薩墮四衆中有四衆不墮菩薩中爲其不發心作佛故今別列同發心求作佛者名菩薩衆文爲六一氣類二大數三階位四數德五列名六結句一氣類者即是菩薩

摩訶薩也若具存應言菩提薩埵摩訶薩埵什師嫌煩略提埵二字菩提此言道薩埵此言心摩訶此言大此諸人等皆求廣博大道又成熟衆生故道心大道心之氣類也菩薩多種謂偏通別圓如釋論引迦旃延子明六度齊限而滿者此欲調血衆生爲乳也若大品明有菩薩發心與薩婆若相應者此欲調乳入酪也若大品明有菩薩發心遊戲神通淨佛國土又如淨名中得不思議解脫者皆能變身登座而復受屈被訶者此欲調酪爲

生熟酥也若大品明有菩薩發心即坐道樹成正覺轉法輪度衆生者此是調蘇爲醍醐也故下文云菩薩聞是法疑網皆已除又云若菩薩不聞法華非善行善薩道若聞此經即善行菩薩道又涅槃云菩薩不聞涅槃常有希望若聞涅槃希望都息故略有四種也

卷三
本迹者本地難測或居等覺或齊法王如善財入法界見文殊色像無邊法門深遠本鄰諸佛迹輔釋迦爲菩薩普現色身三昧力散影垂容以口輪不可思議化隨宜廣說可以提累名道破五住塵勞名成衆生云八萬人者數也餘經集衆甚多此經何少或是語其大數或譬工論密事不可率土同謀云約觀心者觀一善心具十法界十界交互具百法界千性相等十善即萬法約八正道即八萬

法門也。云皆於阿耨三菩提不退轉者明位也。阿耨此云無上道如境妙中說位如位妙中說不退轉者約位行念論不退應四種分別不生三惡道位不退不生邊地諸根完具不受女身即行不退常識宿命即念不退具此名阿鞞跋致地三藏義也。若六心已前輕毛菩薩信根未立其位猶退七心已上從初地至六地不退爲凡夫二乘名位不退雖正使已盡而未能徧修萬行其行猶退至七地名行不退而猶起二乘念故有念退至八地

道觀雙流入法流水名念不退此名阿鞞跋致地此乃三乘共十地之義耳。地師云十住是證不退十行是位不退十迴向是行不退十地是念不退此是別教義不會此經今所不用瓔珞云初地三觀現前心心寂滅自然流入此亦別教不退今亦不用若華嚴明初住得如來一身無量身具三不退此圓教不退此是一實事今用此判位也本迹者本地寂滅尚非十地況是初住尚非初住不退況復別通別通之位宜釋餘經列衆圓教之位

正在今經諸經論師既不識迹安能知本所歎既謬毀在其中還成增減兩謗何謂歎德觀心者三觀即三不退又一心三觀即一心三不退云舊云皆得陀羅尼去始是歎德今取不退轉即具兩意成上屬明位起後屬歎德舊云歎德作十二句分爲四意初三句歎現德次三句歎往行次四句歎內體後兩句歎外名四意不同而德居於初故稱歎德歎現又兩初一句歎自行後二句歎化他歎行三初句歎行本本從諸佛得般若次句歎

本行行福德也旣有福德能資於慧次句爲佛所歎體又三初慈悲歎應身中間兩句歎心慧報身後一句歎法身歎名爲二初句歎名普聞次句歎能度衆生此之分文極有眉眼覈論宗體殊無趣向若歎通教通教無三身又非入佛慧名不普聞種種義不成若歎現德次三句歎往行次四句歎內體後兩句歎外名四意不同而德居於初故稱歎德歎別教別教初地已過二乘云何七地更起聲聞支佛之念若歎圓教不應言七地已下無不退之德進退無當竟知歎誰是所不用今以十三句作橫豎消文一豎約十地義便二

橫約初住義便不退轉者成前即是明位起後即是歎德以對初地初地名歡喜喜其不退墮二邊入中道獲三不退故知歎初歡喜地也皆得陀羅尼歎二地二地名離垢亦名離達離遮諸惡達持衆善即陀羅尼義故知歎離垢地也樂說辯才歎三地三地名明地內智明外說辯欲知智在說說有種種樂說最勝故故知歎第三明地也轉不退轉法輪歎四地四地名燄燄能破闇又能焦炷轉法輪自害已惑如焦炷破他迷如除闇故知歎

第四燄地也供養百千諸佛歎五地五地名難勝地此地得深禪定用神通力難勝難及於一念頃徧至十方供養諸佛故知歎第五地也於諸佛所植衆德本歎六地六地名現前由得禪能供養諸佛福資種智種智現前智是德本如植種於地故知歎第六地也常爲諸佛之所稱歎第七遠行地此地二智方便出過一切廣修利益稱會佛心故知歎第七地以慈修身歎第八不動地正智不動不出三界但以慈薰身應入五道薰口爲說

法薰心爲設方便正法華具薰三業故知歎第八地也善入佛慧歎第九地九地名善慧深入實際妙徹本源此名義最合故知歎第九地通達大智歎第十地十地名法雲法身如虛空禪定如大雲智慧如大雨善入佛法名慧巧用佛法名智互舉耳到於彼岸歎十地內德到三諦之彼岸因中說累又到在不久也名稱普聞歎十地外德由內德深廣致令聲名普聞內外相稱若開等覺位者此二句擬之能度百千衆生者餘地度人或一界

至九界不名能度十地勝前故稱能度諸地悉具衆功德而今出沒釋者爲人情好異故依十地名便故又暨義易解故作此一途消文耳次橫歎者直約初住說之餘位位例可解初發心住一發一切發出過二邊華凡超聖入中道其心寂滅念念流入薩婆若海故言得不退轉初住遮離取相無知無明等障持達般若解脫法身等德故言得陀羅尼十信似解尚能以妙音徧滿三千界何況初住真解口密功德故言樂說辯才初住能分身

百世界作佛論其實處無量無邊以能作佛
說法教化故言能轉不退法輪初住得不思
議神力偏能承事法界諸佛故言供養百千
諸佛初住得實相本能植衆德也初住開佛
三
知見知見已法與諸佛同故爲佛之所稱歎
二十

初住無緣慈普現色身偏應法界故言以慈
修身初住入祕密藏故言善入佛慧初住一
心三智無能障礙故云通達大智初住事理
分究竟故言到於彼岸初住圓德真實與名
相稱故言名稱普聞諸佛世界初住能爲十

法界而作依止安立救護故言能度百千衆
生初住更有無量無邊不可思議種種功德
略言十三句耳二住去乃至等覺亦復如是
故大品云初阿字門具四十一字功德後茶
亦具諸字功德中間亦爾字等語等功德亦
等間此中歎斷惑德三藏不斷惑可不被歎
聲聞尚被歎迹爲通別何不歎德答通歎於
迹乃有此義今經正明圓人不歎方便耳問
云何諸句功德皆歎初住耶答曰餘位亦如
是何獨初住舊云八地有諸功德不以爲疑

今圓歎初住何德不攝初住尚爾何況後位耶法華論云上支下支門總相別相應知初得不退轉一句是總此不退有十種示現聞法不退轉即是陀羅尼樂說不退轉即是樂說辯才說不退轉即是轉不退法輪依善知識不退轉即是供養百千諸佛植衆德本斷疑不退轉即是爲諸佛稱歎入事不退轉即是以慈修身入一切智如實境不退轉即是善入佛慧依我空法空不退轉即是通達大智入如實境不退轉即是到於彼岸應作所

第十三

二十一

作不退轉即是度百千衆生故初總句即是上支次諸別句即是下支記中橫歎初住德即與此意同也論云二者攝取事門者示現諸菩薩住何等清淨地中因何等方便何等境界何等應作所作故若從此義作豎歎菩薩德亦無妙觀心解歎德者不退轉如前說陀羅尼者空觀是旋陀羅尼假觀是百千旋陀羅尼中觀是法音方便陀羅尼又空觀觀心但有名字即閻持陀羅尼假觀觀心無量心心心數法皆是法門即行持陀羅尼中觀

觀心心即實相即是義持陀羅尼假觀觀心
具十法界法即法無礙辯中觀觀心十法界
皆入實相即義無礙辯空觀觀心十法界但
有名字語言即辭無礙辯觀一心即三心三
心即一心一界一切界旋轉無礙即樂說無

礙辯空觀是轉位不退法輪假觀是轉行不
退法輪中觀是轉念不退法輪供養佛者祇
是隨順佛語今順佛教修三觀心即是供養
佛為破五住得解脫故即供養法三諦理和
即供養僧又衆行心資觀智心即供養佛觀

智心開發境界即供養法境智心和即供養
僧實相心是觀智心本觀智心是衆行心本
得本種植則立故言植衆德本觀智心冥於
境界境界印於觀智智有所照常與境合即
是爲佛所歎空觀爲法緣慈所熏假觀爲衆
生三

生緣慈所熏中觀爲無緣慈所熏空觀入通
佛慧假觀入別佛慧中觀入圓佛慧空觀到
一切智彼岸假觀到道種智彼岸中觀到一
切種智彼岸空觀聞於真諦假觀聞於俗諦
中觀普聞中道第一義諦亦普聞三諦空觀

度四住百千衆生假觀度塵沙百千衆生中
觀度無明百千衆生一心三觀有無量德歎
不能盡止略說耳五列名者大士大名或從
法門或從行德或從本願雖是一名備無量
義今依經依觀銷十八菩薩名文殊師利此
云妙德大經云了了見佛性猶如妙德等無
行經云滿殊戶利普超云濡首思益云雖說
諸法而不起法相不起非法相故名妙德悲
華云願我行菩薩道所化衆生皆於十方先
成正覺令我天眼悉皆見之我之國土皆一

生菩薩悉令從我勸發道心我行菩薩道無
有齊限寶藏佛言汝作功德甚深甚深願承
妙土今故號汝名文殊師利在北方歡喜世
界作佛號歡喜藏摩尼寶積佛今猶現在聞
名滅四重罪爲菩薩像影響釋迦耳觀心性
第十三
理三德祕密不縱不橫故名妙德觀世音者
天竺云婆婁吉低稅思益云若衆生見者即
特畢定得於菩提稱名者得免衆苦故名觀
音悲華云若有衆生受苦稱我名者念我者
爲我天耳天眼所見聞不得免苦不取正覺

寶藏佛云汝觀一切衆生生大悲心今當字
汝爲觀世音此下文自釋名云

切與甚知林切
椎同石與砧同切

妙法蓮華經文句卷第二上

音釋

𠙴	申之	𠙴	正作嚙	才	𠙴	病雀	切
𠂇	耳由切	𠂇	笑切	齶也	唼	色甲	切
脰	肥美也	喟	丘	噉	食貌	𠙴	咀
槩	槩量也	𠂇	𠂇篋	𠂇	𠂇	𠂇	脣也
𡇃	𡇃也	𡇃	𡇃聲也	𠂇	𠂇	𠂇	力切
𡇃	𡇃也	𡇃	𡇃聲也	𠂇	𠂇	𠂇	𠂇
𡇃	𡇃也	𡇃	𡇃聲也	𠂇	𠂇	𠂇	𠂇
𡇃	𡇃也	𡇃	𡇃聲也	𠂇	𠂇	𠂇	𠂇

永樂北藏

妙法蓮華經文句

第一五九冊

妙法蓮華經文句卷第二下

寔四

隋天台智者大師說
門人灌頂記

觀心釋者三智名觀三諦名世三觀是語本故名音得大勢者思益云我投足之處震動三千六千世界及魔宮殿故名大勢至悲華云願我世界如觀世音等無有異寶藏佛言由汝願取大千世界故今當字汝爲大勢至觀心釋者三止爲足投三諦地動十法界一切見愛所住之處皆悉傾動云不休息者思

益云恒河沙劫爲一日夜是三十日爲月十二月爲歲過百千萬億劫得值一佛如是值恒河沙佛行諸梵行修習功德然後受記心不休息故名不休息觀心者觀空不住空出假不住假而入中不住中雙照二諦名不休息寶掌者普超云被上德鎧乃至佛無能沮敗令釋大乘若於夢中不志二乘常以實心諸通慧心爲人講宣於珍寶心無所貪惜故名寶掌觀心者不思議三諦名之爲寶一心三觀名之爲掌以此觀掌孰此諦寶自利利

他故云寶掌藥王者悲華云願賢劫一千四
佛初成道我皆供養諸佛入滅我皆起塔劫
盡苦惱我皆救護刀兵疾疫作大醫王然後
作佛寶藏佛言今當字汝爲火淨藥王在後
作佛即樓至如來觀心釋云此下欠釋七菩
薩跋陀婆羅者此言善守亦云賢守思益云
若衆生聞名者畢定得三菩提故名善守觀
解者中道正觀於諸善中最爲上首故言善
守彌勒者此云慈氏思益云若爾不見者即
得慈心三昧故名慈氏賢愚云國王見象師

寶積導師者思益云於墮邪道衆生生大悲
心今入正道不求恩報故名導師觀解者三
觀妙智導一切行不墜二邊皆入正觀故名
導師未釋者俟後追註云六如是結句
也第三列雜衆者舊云凡夫衆此中有聖舊

云俗衆此中有道舊云天人衆此中有龍鬼
皆不便今呼爲雜衆意則兼矣所謂五道二
界八番是故言雜方等經亦列地獄中陰經
亦化無色此皆隨機適現不可一例作並復
不可定其次第舊云人是土主讓諸客在前
無量義經祇與此經同席明國王國臣國士
國文不論賓主相讓出經家趣列在文或有
別意未詳今觀此文有八番先標帝釋次列
四王前龍後鳥鬼神重出爲此義故呼爲雜
衆不可言其次第又雜衆者此中有得道未

得道者雜果報與形服雜故言雜其中得二
乘道者無漏智與無明煩惱雜故言雜其中
得菩薩道者漚和與衆機雜故言雜其中得
佛道者一法具一切法故言雜雜義如是豈
可以凡夫形俗判之復不可以五道人天等
判之故言雜也此是約教釋云釋提桓因三
四陀羅或云旃提羅此翻能作作忉利天主忉
利此翻三十三四面各八城就喜見城合三
十三共居須彌頂須彌此翻安四明四寶所成
高廣三百三十六萬里此是欲大之主故前

列雜阿舍四十云有一比丘問佛何故名釋提桓因答本爲人時行於頓施堪能作主故名釋提桓因何故名富蘭陀羅爲人時數數行施故何故名摩伽婆本爲人時名故何故名娑婆羅本爲人時此未布施故何故名憍尸迦本爲人時姓故何故名舍脂鉢低舍脂是婦鉢低是夫何故名千眼本爲人時聰明於一時坐思千種義觀察稱量故名千眼何故名因提利爲三十二天主瓔珞第三云天帝名拘翼教門者阿舍中帝釋是阿那含般

若明十方難問般若者皆名釋提桓因別圓中明釋提桓因得首楞嚴三昧內證不同過賢劫二千二十四劫作佛號無著世尊云本迹者十住行向即三十十地爲一等覺爲二妙覺爲三同樓第一義天共服實相甘露即本也居須彌頂迹也觀心解者自行十善勸他隨喜此三十善皆空皆假皆中即是三十三觀門也名月等三天子是內臣如卿相或云是三光天子耳名月是寶吉祥月天子大勢至應作普香是明星天子虛空藏應作寶

光是寶意日天子觀世音應作此即本述釋

也觀解者三觀即三智三智即三光從三諦
生三智諦即天智即子云四大天王者帝釋
外臣如武將也居四寶山高半須彌廣二十
四萬里東提頭賴吒此云持國亦言安民居

黃金山領二鬼捷闡婆言單那南毗留勒义

此云增長亦云免離居琉璃山領二鬼薜荔
多鳩槃荼西毗留博义此云非好報亦云惡
罪亦云雜語居白銀山領二鬼毒龍毗舍闍
北毗沙門此云種種聞亦云多聞居水精山

領二鬼羅刹夜叉各領二鬼不令惱人故稱
護世本述者本爲常樂我淨四王護持佛法
不令外人取其枝葉斫截破壞常王護東方
常無常樹樂王護南方樂無樂雙樹我王
護西方我無我雙樹淨王護北方淨不淨雙
樹枝榦喻常華喻於我果喻於藥茂葉喻淨
護此華果常能利益一切衆生故迹爲四王
而護世也觀解者觀四諦智即是四王一諦
下除愛見二惑即是護八愛見也次忉利上
有燄摩此翻善時大論云妙善去忉利三百

三十六萬里善時上有兜率陀此翻妙足去
談摩如地遠而不列者略耳何者下天鉢上
天著樂尚知來集况不著不鈍而不來耶自
在即第五大自在即第六自化五欲他化五
欲云有人言是色界頂大自在定四此不應超至
彼也本迹者此兩天本住自在自在王等定
迹爲兩天耳觀心者入空是自在觀入中是
大自在觀云次列色界天娑婆此翻忍其土
衆生安於十惡不肯出離從人名土故稱爲
忍悲華經云云何名娑婆是諸衆生忍受三

毒及諸煩惱故名忍土亦名雜雜九道共居
云梵者此翻離欲除下地繫上升色界故名
離欲亦稱高淨尸棄者此翻爲頂髻又外國
喚火爲樹提尸棄此王本修火光定破欲界
惑從德立名然經標梵王復舉尸棄似如兩
人依釋論正以尸棄爲王今經舉位顯名恐
目一人耳住禪中間內有覺觀外有言說得
主領爲王單修禪爲梵民加四無量心爲王
也初禪有梵衆梵輔大梵今舉王攝諸也光
明者二禪也此有少光無量光光音三禪有

少淨無量淨徧淨四禪有密身亦無挂礙無量密亦受福密果亦廣果無想密亦無想又有五那舍不煩不熱善見善現色究竟亦大自在即摩醯首羅經文存略不具出但等此諸天也例有教門本迹觀心自思之次列

八龍者難陀名歡喜跋名善兄弟常護摩竭提雨澤以時國無饑年瓶沙王年爲一會百姓聞皆歡喜從此得名即目連所降者也居海中本迹解者本住歡喜地迹居海間觀解者三觀即中道生法喜也娑伽羅從居海受

名華嚴所稱舊云因國得名本住智度大海迹處滄溟和修吉此云多頭亦云寶稱居於水中本住普現色身三昧迹示多頭也觀者入假之觀分別無量法門也云德义迦此云現毒亦云多舌或云兩舌本住樂說無礙辯

法門迹示多舌阿那婆達多從池得名此云無熱無熱池長阿舍十八云雪山頂有池名阿耨達池中有五柱堂從池爲名龍王常處其中閻浮提諸龍有三患一熱風熱沙著身燒皮肉及骨髓以爲苦惱二惡風暴起吹其

宮殿失寶飾衣等龍身自現以爲苦惱三諸
龍娛樂時金翅鳥入宮搏撮始生龍子食之
怖懼熱惱此池無三患若鳥起心欲往即便
命終故名無熱惱池也本住清涼常樂我淨
迹處涼池觀者三觀妙慧淨五住之煩惱免
二死之熱沙云摩那斯此云大身或大意大
力等修羅排海淹喜見城此龍縈身以遏海水
本住無邊身法門迹爲大體觀者中道正
觀其性廣博云漚鉢羅此云黛色蓮華池龍
依住從池得名本住法華三昧迹居此池觀

者三觀即是修因因即蓮華也正法念經云
龍爲諸天保境修羅興兵前與龍鬪故知爲
天所管也次列四紫那羅亦云真陀羅此云
凝神似人而有一角故號人非人天帝法樂
神居十寶山身有異相即上奏樂佛時說法
諸天弦歌般遮于瑟而頌法門舊云法緊奏
第四
四諦妙緊奏十二因緣大緊奏六度持緊總
奏前三今言奏四教法門也本住不可思議
不起滅定安禪合掌以千萬偈讚諸法王迹
寄弦管歌詠十力觀者觀音聲即空即假即

中隨順三諦即是讚佛也四乾闥婆此云喚
香以香爲食亦云香陰其身出香此是天帝
俗樂之神也樂者幢倒伎也樂音者鼓節弦
管也美者幢倒中勝品者美音者弦管中勝
者也阿修羅者此云無酒四天下採華醞於
大海魚龍業力其味不變瞋如誓斷故言無
酒神亦云不端彌天安師云質諒質諒直信
也此神詔曲不與名相稱有二種鬼道攝者
居大海邊畜生道攝者居大海底婆稚者此
云被縛或云五處被縛或云五惡物繫頸不

得脫故云被縛亦云有縛爲帝釋所縛本能
五繫繫魔外道迹爲此像耳正法華云最勝
觀者以三觀智縛五住惑入實際中佞性騁
馱此云廣肩胛亦云惡陰涌海水者正本云
寶錦本住權實二智慈荷衆生故迹爲廣肩
胛觀者三觀能鼓覆五住生死大海也毗摩
質多此云淨心亦云種種疑波海水出聲名
毗摩質多即舍脂父也觀佛三昧云光音天
生此地地使有欲入海洗不淨墮泥變爲卵
八千歲生一女千頭少一二十四手此女戲

于水水精入身八千歲生一男二十四頭千手少一海水波音名爲毗摩質多索乾闥婆女生舍脂帝釋業力令其父居七寶殿納爲妻後讒其父遂交兵脚波海水手攻喜見帝釋以般若呪力不能爲害正本云燕居本者色心本淨迹爲此名觀者正觀中道即是淨第四心羅睺羅此云障持障持日月者也是畜生種身長八萬四千由旬口廣千由旬寶珠嚴身觀天女天園林若四天下人孝養父母供養沙門者諸天有威力上空兩刀若不爾諸

天入宮不出又日放光照其眼不能得見舉手掌障日世人咸言日蝕怪險種種邪說掩月亦如是或作大聲世人言天獸吼險亂王衰種種邪說怖日月時倍大其身氣呵日月日月失光來訴佛佛告羅睺莫吞日月羅睺支節戰動身流白汗即放日月日月力衆生力佛力衆因緣故不能爲害昔有婆羅門聰明廣施四千車載食於曠野施有一佛塔惡人所燒即以四千車載水滅火救塔歡喜發願願得大身欲界第一旣無正信好鬭愛戰

喜施故生光明城作羅睺羅修羅主也正本
云吸氣本觀云次列四迦樓羅此云金翅
翹金色居四天下大樹上兩翅相去三百三
十六萬里有人言莊子呼爲鵬鵬行衆鳥翼
之亦稱爲鳳皇私謂鳳不踐生草歟竹寶棲

竄四

乳桐金翅歟龍云何是類大威德者威勝群
輩又威攝諸龍也正本云具足大身者大群
輩也大滿者龍恒充滿已意也如意者頸有
此珠也正本云不可動迦樓羅有神力雄化
爲天子雌變爲天女化已住處有寶宮亦有

百味而鉗須食龍胎能噉胎不能噉三卵能
噉二濕能噉三化能噉四觀佛三昧經云正
音迦樓一日山東噉一龍王五百小龍三方
亦爾周而復始壽八千年臨終失勢欲噉龍
子龍母嗽嚙之不得食即噴從金剛山透海
穿地輪過不能過風輪風彈之從故孔湧到
金剛山如是七返還山頂命終肉裂火起將
燒寶山難陀雨雨滅之肉爛心衝風輪亦七
返墮山上成如意珠龍得之即爲王人王亦
感此珠者也次列人者韋提希母也翻思惟

頻婆娑羅此翻模實父也阿闍世者未生怨或呼爲婆留支此云無指內人將護呼爲善見善見之名本也無指之稱表達大經云阿闍名不生世者名怨以不生佛性故則煩惱怨生煩惱怨生故不見佛性不生煩惱即見

號淨界如來其迹既爾本豈可量說法華時預清淨衆至涅槃時引逆罪者何異迦葉於法華受記於涅槃不堪付囑不可迷迹而惑其本也觀解者貪愛毋無明父害此故稱逆違即順也行於非道通達佛道問佛在人中說法列人衆何少答文略不載人實不少文云及諸小王轉輪聖王等無量義中列四輪王國王國臣國民士女其衆則廣問天人龍鬼皆見佛聞法地獄一道無色一界何意不列答此義今當辯夫諸道升沉由戒有持毀彌勒出時復來此界名不動菩薩後當作佛

見佛不見佛由乘有緩急然持戒有麤細故報有優劣持乘有小大見佛有權實且略判戒乘各爲三品依涅槃一句闡爲四句釋之其義則顯一戒乘俱急二戒緩乘急三戒急乘緩四戒乘俱緩若通論戒乘一切善法一切觀慧皆得稱戒亦皆是乘入天五乘即是其義道共等戒悉是通意也今就別判三歸五戒十善八齋出家律儀乃至定共能防身口遮惡道果得人天報者名之爲戒若聞經生解觀智推尋四諦十二緣六度生滅無生

滅等智能破煩惱運出三界者名之爲乘故大品云有相之善不動不出無相之善能動能出即此義也若戒乘俱急者持下品戒戒急報在人中持小乘乘急以人中身於三藏教時見佛聞法持中乘乘急以人報身於通教大乘乃至帶方便諸大乘經時見佛聞法持上乘乘急以人報身於華嚴法華等教及諸教中圓見佛聞法預列爲同聞衆者是也若持中品戒急報在欲界天持小乘乘急以欲界天身於三藏時見佛聞法餘如上說若

持上品戒急加修禪定報在色無色天等持
小乘乘急以色無色天身於三藏中見佛聞
法餘如上說釋第一句竟若戒緩乘急者三
品戒皆緩報墮三途持小乘乘急以三途身
於三藏中見佛聞法餘如上說釋第二句竟
若戒急乘緩者三戒急故受欲界人天及色
無色天身三乘緩故佛雖出世說三乘法愛
著樂報耽荒五欲不見佛不聞法舍衛三億
家及諸不見聞者三界著樂諸天等是也釋
第三句竟若戒乘俱緩者受三途報不見佛

不聞法也釋第四句竟此文不列地獄者以
其戒緩苦重報隔上乘又緩不能於法華見
佛聞法餘經有列者餘乘急耳又不列無色
天者上戒急故受天身著定味上乘緩故不
能於法華見佛聞法餘經有列者有餘乘急
耳若得此意一一勘天龍八部皆識本緣緩
急來不來義悉可解廣釋如淨名疏又識權
者引寶本迹義轉明將此勘已觀行三世因
果朗然可識各禮佛足者總結衆集也爾
時世尊下訖品名別序文爲五一衆集二現

瑞三疑念四發問五答問光宅逆順生起由衆集故現瑞乃至由問故答答由於問乃至瑞由衆集此乃翻覆緣起鉤鎖相連序於正意竟自未顯直是因緣一釋尚自不明況二三四緣了無趣向今明五序序正中四一集衆叙人一現瑞敘理一疑念敘行一問答敘教一此則因緣釋也約教者此序序正非三藏非通非別乃是序於圓正耳約本迹者若以序序壽量中本地四一者此義自可知不復記觀心可解云就衆集又二初衆集威儀

次衆集供養法華論自此爲威儀如法住四衆者舊云出家在家各二合爲四衆此名局意不周今約一衆更開爲四謂發起衆當機時擊揚發動成辦利益如大象辟樹使象子得飽所謂發起今集發起瑞相乃至發起問答等皆名發起衆當機者宿植德本緣合時熟如癱欲瀆不起于座聞即得道此名富機衆影嚮者古往諸佛法身菩薩隱其圓極匡輔法王如衆星繞月雖無爲作而有巨益此

名影嚮衆結緣者力無引道擊動之能德非
伏物鎮嚴之用而過去根淺覆漏汙雜三慧
不生現世雖見佛聞法無四悉檀益但作未
來得度因緣此名結緣衆比丘衆既爾餘三
衆亦然合十六衆類如大通智勝佛時王子
達者
覆講即彼時發起衆聞法得道即彼時當機
衆聞法未度而世世相值于今有住聲聞地
者即彼時結緣衆彼佛世時尚有四四十六
衆今佛道同寧得無耶此是圓教十六衆約
三教亦例可知本迹可解觀心者研境作觀

在名字觀行位中即成結緣衆入相似位即
成當機衆入分真位即成發起影嚮衆云聞
像到已右旋旋已敬禮禮已卻坐聽法因於
天敬人以爲楷此因緣解也圓遶者行旋威
儀也表四門機動俱見圓理以圓對偏例有
四義即教門解也又佛身周匝相好莊嚴四
旋瞻仰增念佛定即觀心解也若觀佛色身
得見法身即本迹解供養者通三業皆是供
養別論卑謹虔禮名恭敬至念專注名尊重

發言稱美名讚歎施其依報名供養此中文略具辯應如無量義經廣說天厨天香天鉢器等即是供養大莊嚴菩薩及八萬大士合掌叉手即是恭敬一心瞻仰即是尊重說七言偈即是讚歎今論衆集指彼文者彼經衆

集說法竟嚴然不散即彼座席仍說法華故知三業供養不得有異用彼廣釋此略於義無咎從爲諸善薩說大乘經下說以佛舍利起七寶塔是現相序瑞師明七瑞此土開六他土總一光宅此彼各六瑞此六者動則說

法度人靜則入定觀理動靜爲一雙上天雨四華下地六種動上下爲一雙大衆內懷歡喜如來外放光明內外爲一雙今謂尋文起盡如光宅若取名義便易表報之意並自未彰今明宿定因果感應爲三雙智則指一說

卷四

十四

多定則諦緣義處因則四位天華果則六處地動感則大乘機發應則圓毫照之此六皆稱瑞相者文云今相如本瑞瑞祇是相耳人情分別以密報爲瑞奇異爲相何所報妙理玄曠說之至難人情悠悠不能尊重先以

異相駭變常情常情既變而生欽渴故以異釋相以報釋瑞略明六瑞表報十妙感應妙中已說今更道說法瑞表報說法妙智妙入定瑞表報行妙雨華瑞表報位妙地動瑞表報境妙乘妙衆喜瑞表報眷屬妙利益妙放光瑞表報感應妙神通妙是故六種俱各現

行行也七具足大謂以相好自嚴得菩提也六是因大七是果大大因大果合爲大乘經也今將十妙義據經應可解生師云無相空理大乘之本封三來久頓說無三不能取信故說無相爲法華序觀師意同若爾般若淨名皆應是序何獨無量義耶彼釋云如此由五時故後教得起更問若爾無量義與諸經皆通途相生非關別序基師云空理無形故云無量序意同前難亦如是印師云無相善解大謂解菩薩藏也四淨大謂見道淨心云五莊嚴大謂福德智慧也六時大謂三僧祇

三有異六品非法華所指指者不來秦地今謂此經是宋元嘉三年慧表比丘於南海郡朝廷寺遇臺摩耶舍受此本還武當山永明三年始傳於世經既已來豈可送還天竺光宅云無量義以萬善同歸能成佛道法華正明無二無三破三與一爲異故即爲序若言萬善同歸二三何不同歸二三若歸序正不異若言破二破三何不破萬破二破三則無二無三既共破萬是則無序取經互舉意爲異者不成異也異意不顯序義亦不成也劉

虬注云無相爲本無相一法含義不皆若含義不贊即是有所相何謂無相尋諸師各偏一種若言有相之善有成佛義此三藏意耳若言無相之善有成佛義此通教意耳若言舍法不贊此別教意耳並他經所明皆非序法華意耳若法華論列十七種皆法華之異名無量義者即法華之一名也今申論意佛直說此名而入此定故得爲序大品金光明涅槃皆先唱名於序無妨今經文殊引古佛亦名無量義又云當說大乘經名妙法蓮華此

亦序中唱名與論意同也今按彼經釋無量義者從一法生其一法者所謂無相無相不相名爲實相從此實相生無量法所謂二法三道四果今釋此文無相者無生死相也不相者不涅槃相也涅槃亦無故言不相無相

定四

十六

指中道爲實相也二法即頓漸頓謂華嚴頓中一切法也漸謂三藏方等般若一切法也三道即三乘四果即羅漢支佛菩薩佛此等諸法名爲無量實相爲義處從一義處出無量法得爲無量法入一義處作序譬如算師

從一筭下諸筭除諸筭歸一筭由下故除下爲除序從一派諸收諸歸一闍爲合序亦復如是如此消釋不違彼經論亦與此經合云復次無量義讚偈明法身自非洞遺應爲丈六紫金輝普賢觀明常樂我淨四波羅蜜住處前後兩文皆明常豈有中間壽量而是無常耶他難云序已說常正何所道今反難之涅槃以絕陀是序已開常宗正何所道他又例淨名序金剛無爲無數而正說不明常法華亦應爾今還反難之絕陀序常涅槃正應

無常今論序常正常何疑也教菩薩法者無量義處用教菩薩也義處即諦理也下文普令一切衆亦同得此道又云若我遇衆生盡教以佛道即此意焉佛所護念者無量義處是佛自所證得是故如來之所護念下文云佛自住大乘也雖欲開示衆生根鈍久默斯要不務速說故言護念佛說經已入無量義處三昧者慧定相成非禪不智須先入定非智不禪故先說法即智而定即定而智先後出入無有隔礙疑者云若未說無量義可入

第十四

十七

斯定說此經已何故入定釋言先入此定後說此經可解說此經竟而更入者是爲法華作序耳何者若不先開則後無所合先入開定爲舍定作序稱爲瑞相即此義焉若作次第者先入無量義三昧已應入法華三昧若明文彰顯時衆則知何俟彌勒殷勤文殊斬固故知作序其義轉明身心不動者與所緣之處相應也身之本源湛若虛空心之理性畢竟常寂大通智勝身體及手足寂然安不動其心常憺怕未曾有散亂身若金剛不可

動轉心若虛空無有分別無量義處三昧法持於身心故不動也稱爲無量者此定寂而常照能知世間從此一法出無量法也若作序義身法體動運今今不動運心法體分別令令不分別序義明矣問瑞相本論可異別

瑞相何以證今今古同然豈可以凡情而非之耶天雨四華者舊云小大白小大赤正法華云意華大意華浦鴛華大浦鴛華釋論十九云天華妙者名曼陀羅又七十九云八百比丘成佛國土常雨五色曼陀羅華舊雨
卷四
小大白表在家二衆小大赤表出家二衆表其昔來因而未果今謂此解狹而不當直論四衆收三藏中十六衆尚不盡況復四十八衆是故爲狹夫華相密報其因四衆昔來已入開定意在合定與常入定有異何意非瑞相耶又文殊引古佛六瑞皆有此事若昔非

華故云不當今言雨華明其昔因非佛因三藏中因是二乘因通中因是共因別中是菩薩因皆非佛因今天雨華報其當獲佛因佛因者即四輪因也小白表銅輪習種性開佛知見也大白表銀輪性種性十行示佛知見也小赤表金輪道種性十迴向悟佛知見也大赤表琉璃輪聖種性十地入佛知見也四輪皆同是因是因由中而生故從天而雨由是因位故以華表之但因有趣果之義故而散佛上如此因果誰當感剋祇是此會時衆

故言及諸大眾也下文殊釋疑吹大法螺等四句又正說中開示悟入又與大車中遊於四方節節相承皆是位義故知華表因位也問四輪是別位義那得釋圓位耶答名通義圓尚無所失況名別義圓而不得用耶問別義賢聖圓亦有耶答已如玄義若言四華俱從天雨表四衆當同成一因如此釋者出三藏義未出通義若言四衆同是菩薩因者此釋出通義未出別義並非佛因皆非法華意也法華意如前說普佛世界地六種動者舊

云動三乘人因果決定六執者此破三藏家
三乘六執未破通教三乘六執通教約法三
人因果同若約人三人因果異此之同異俱
被破而舊家破意不破此也別教無三乘名
則無六執舊所不破今明別家因時三法縱
橫果時三法亦縱橫此則須破今釋地六種
動表圓家六番破無明無明槃礴未曾侵毀
方將破壞故動地以表之無明若轉即變爲
明故普佛世界六種震動也六種表住行向
地等妙六番也優婆塞清淨行經云善薩生

時動地示此生已盡無復煩惱一切眾生應
得道者煩惱將滅故動即此義也本迹解者
如文殊釋疑引古佛爲答密得此意即是識
本非謂他佛昔現斯瑞而我世尊本亦斯瑞
非今一反也云觀行者動六根也地相堅固
如六根冰執未曾入大乘之道動難動之地
表淨未淨之根東涌西沒者東方青主肝肝
主眼西方白主肺肺主鼻此表眼根功德生
鼻根煩惱互滅鼻根功德生眼中煩惱互滅
餘方漏沒表餘根生滅亦復如是六動者動

起涌震吼覺一一中又有三謂動徧動等徧

動直動爲動四天下動爲徧動大千動爲等
徧動餘五亦如是合十八種動此即表淨十
八界也云次明大衆心喜瑞者衆見雨華地
動知甘露將降欣躍內充表大機當發感於

第四

二十

勝應問喜怒人之常情何得爲瑞答天華悅
眼地動震心大經云動時能令衆生心動華
地是外瑞心喜是內瑞非常之喜昔雖曾有
而不爲喜所動而能一心觀佛何得非瑞若
言歡喜動陰心者人天義也若喜動眞諦無

漏心者藏通義也若喜動即假心者別義也
喜動實相心者圓義也次明佛放光瑞即表

應機設教破惑除疑白毫具種種功德觀佛
海三昧經云佛初生時牽長五尺苦行時長
一丈四尺得佛時長一丈五尺其毫中表俱

空如白琉璃筒內外清淨從初發心中間行
行種種相貌乃至入涅槃一切功德皆現毫
中毫在二眉之間即表中道常也其相柔軟
表樂卷舒自在表我白即表淨放光破闇表
中道生智慧光照此土他土表自覺覺他復

次二乘雖達二諦不知中道如有二眉而無白毫別教雖知三諦不能毫中具一切法當知從初至後法界中事悉現毫內者即表圓教之意復次衆經明放光不同大品從足下千輻輪相乃至頂髻塞四一一各放六萬億光明如彼廣說大經面門放光此經白毫放光緣宜不同耳又收光不同育王經云收從背入欲記過去事收從前入欲記未來事而不見記現在事私謂脅入應記現在事也足入記地獄踝入記畜生腳指入記鬼膝入記人左

掌入記鐵輪王右掌入記金輪王及記諸天臍入記聲聞口入記緣覺白毫入記菩薩肉髻入記佛而今經放白毫光而未見收光之文者略耳又解云放光照現在事收光明將來事此經正論此土他土諸佛道同故正論放光若解諸佛道同即開示悟入任運獲記則放光爲正收光是傍故略而不說耳若丈六佛放光者三藏義也若尊特佛與丈六佛共放光者通義也若尊特佛獨放光者別義也若丈六佛即毗盧遮那法身放光者圓義

也舊云此土六瑞訖至膩叱天今尋文從照
東方萬八千土下即是他土六瑞之文蓋斟
酌由人耳舊云寶照十方照東方者表一乘
因果是諸因果之上萬是數圓表果位滿八
千數缺表因果未足若照東方義已足更照

九方復何所表今明東是方始表十方是位
始迹門說法生身菩薩朗然見理入於十住
開佛知見舉初即知中後故云靡不周徧者
當知諸方亦然諸位亦然若就本門說法四
方佛集即表本門說法生身菩薩增道損生

四位增長也觀解萬八千者約十八界論百
法界千性相即有一萬八千此等境界佛慧
未開今應當開故以數表之耳文云從阿鼻
獄上至有頂即六法界也又見諸佛菩薩比
丘等十界具足故文云靡不周徧即此意也

若分文屬此土第六相若屬他土即是總相
照他土文次明光照他土六瑞者一見六趣
卷四二見諸佛即是上聖下凡爲一雙三聞佛說
法四見四衆得道即是人法一雙五見菩薩
行行六見佛涅槃即是始終一雙既有可化

衆生即有能化之佛有佛即有說法說法即有弟子弟子即是行始行始必致終也若此土六瑞總報衆生當獲自覺彼土六瑞總報衆生當獲覺他又此彼六瑞表此彼諸佛道同從盡見彼土六趣衆生下至行菩薩道者是現彼土已與此同從復見諸佛下至七寶塔者是現此土當與彼同略說竟更廣說者塔者是現此土當與彼同略說竟更廣說者從又見六趣衆生是現彼佛爲五濁故出現於世此佛亦然二土出世意同也及聞諸佛所說經者是現彼佛初從無相一法非頓而

頓與此土初說華嚴意同也從并見諸比丘下是現彼佛非漸而漸與此土佛次說三藏意同也從復見諸菩薩下是彼佛三藏之後說方等般若衆經與此土佛三藏之後意同也從復見諸佛下至起七寶塔是現彼佛般若之後開權顯實收無量法還入一法唱入涅槃息化起塔光照彼土始終究竟炳然在目當知此土從一出無量非頓而頓非漸而漸其事已竟必當收無量法還入一法開權顯實息化歸真與彼土同也復次種種因緣

者昔善爲因今教爲緣又別說者正是三藏之後明共不共般若爲因助道戒定慧等爲緣約三人即有種種因緣又就共不共人種種因緣種種相貌者共不共各四門一一門復有無量相貌五百比丘各說身因即其義

也不共四門亦如是故知因緣相貌種別無量皆是彼與此同彼明此相因緣相貌還入一因一緣一相一貌當知此土亦與彼同爾時彌勒作是念訖今當問誰是疑念序文爲兩一彌勒疑念二大衆疑念彌勒有三念一

正念六瑞二念問誰三念文殊文殊念起第二念除唯初念在但成一疑也神變者神內也變外也神名天心即是天然內慧變名變動即是六瑞外彰首楞嚴云佛住不二法能作神通法王法力超蓋一切彌勒不測外變

亦不知內慧故興念至此若夫庸人不知術者散人不知定者凡人不知聖者小聖不知身子身子不知菩薩菩薩不知補處補處不知尊極此就極處亦不知也又彌勒值佛植善既多何容不覺第知應須隱明示闇權言

不知也大衆有兩念一正念六瑞二念問誰若將下偈望此亦得有三念偈云四衆欣仰

德德應須答此即四種消文意
妙法蓮華經文句卷第二 下

音釋

鑑可文切
甲也
辟荔荔蒲納切
荔郎計切
搏搏伯各切
撮倉括切
也捎取也
胛上狎切
背胛也
施施

鉏成切
譖也
必益切
憇怖也
質涉切
熬嚙也
熬嚙五高切
正作辟
山咸切
正作辟
下楷切
亥驚也
居歛切
鞍也
磐尊磐蒲官
石切磚白
各切𦥑
磚戶尾切
兩腿也
旁曰內外
踝膩切
女利
馬鬚切
馬鬚也

也問文殊彌勒德位相亞何故一問一答答
夫機有在無位雖齊等賓主異宜聖人承機
非問者不能答也又法門有權實權補處須
問實者須答又迹有久近近問久答又名有
便易彌勒名慈慈爲衆生應須問文殊名妙